

光緒江西通志

江西通志卷一百七十三

列女五

吉安府

宋

劉氏女名玉秀彭城王義康女也義康賜死安成其子女俱留子爲元凶劭所殺惟玉秀存焉元凶除玉秀露版辭奏曰父凶滅無狀孤負天明存荷優養歿蒙加禮明罰羽山未足敷法烏烏微心昧死上請乞反葬舊塋

糜骨鄉壤

南史

南唐

附

段氏婦吳媛浚儀人唐史官兢之後父志野義不仕梁南游於吳家廬陵媛適段某生子未暎段卒父母以媛少議嫁之媛刺面自誓乃不敢奪事舅姑極孝謹教子

吉安府
爲善士韓熙載使江西爲表其節

唐餘
紀傳

朱

歐陽觀妻鄭氏永豐人修之母也年二十九守節教子修以文章忠節名天下累封越國太夫人仁宗初進號魏國太夫人年七十二祔崇公合葬瀧岡

謝志

朱雲孫妻劉氏安福人姑病雲孫刲股以進而愈姑復病劉亦刲股以進又愈尙書謝諤爲朱孝婦詩

明統志

彭雲翼妻劉氏安福人歸彭三年生子應時未晦而夫亡守節以終楊萬里稱之曰貞節婦

謝志

孫元通妻項氏吉水人宣和閒夫以逋出走項爲里胥所逮至中途欲犯之項引刀自刺而死事聞贈孺人旌

其廬

宋史

張節婦吳氏萬安人年二十夫亡守節家貧紡績撫孤

志謝

蕭楚未婚妻某氏泰和人旣許聘於蕭父母厭楚貧改

字他姓嫁之日女知之縊死車中楚義之終身不要志謝

曾安強聘妻溫氏泰和人安強讀書快閣有廣帥過而

奇之逼妻以女溫聞之自縊

大觀四年旌謝志

段鵠母顏氏字詡姊永新人寡居耿介持家嚴肅人尊

敬之

謝志

李某妻梁氏龍泉人紹興三年寇彭友犯邑梁義不受

辱赴水死

宋史

劉生妻歐陽氏安福人紹興中生以事出有惡少來欲

侵凌之歐陽氏不受辱而死邑人劉寬作詩弔之

明一統志

李氏字幸娘龍泉人年十八紹定己丑南安寇犯邑被

掠以刀加頸脅以隨行幸娘大罵爲所殺

謝志

楊萬里妻羅氏廬陵人性仁恕清儉居常以魯敬姜言行爲省括萬里轉運江東子爲帥尊重矣每寒月黎明卽起詣廚下躬作粥召臧獲徧食之曰天寒甚須使其腹中有火氣乃堪役使耳其子問之曰是賤事夫人老而親之毋乃爲逆施乎夫人怒曰若言如此其必不違矣賤物貴我天道所不祐也守吳迎養時年八十餘於邑圃中種菜躬紡績不懈遷五年得月俸以奉母母稱疾盡出之日吾福薄乃得此果致疾宜悉散之平居服飾無華麗生四子三女畢自乳曰饑人之子哺其子吾不忍爲也

函史

文天祥妻歐陽氏廬陵人從天祥流離于戈中絕無恤
尤自天祥空坑之敗歐陽氏與子佛生諸人皆爲俘虜
一路求死不得入都時服道冠敝衣日誦道經比天祥
受刑明日歐陽氏得旨收屍與江南十義士奉柩葬於
都城小南門外後歸故里以元大德九年乙巳二月卒

書豫章

孫奧妻文氏廬陵人天祥妹奧被執家沒入官文氏奉
奧母攜子蕭翁約翁及一女赴燕零丁孤苦中而能持
禮守義不失其操謝志

張節婦吳氏廬陵人年二十一夫亡事舅姑撫孤而終
事聞旌表其門曰孝節謝志

譚烈婦趙氏永新人宋宗室女元破城趙謝志譚抱嬰兒

隨舅姑走匿縣學文廟中兵至殺其舅姑執婦欲污之不可臨以刃趙罵曰吾舅死於汝吾姑又死於汝吾從吾舅姑死耳豈願生哉遂遇害血漬於文廟兩楹間入輒爲婦與嬰兒狀久而宛然若寫形在地見者神竦髮立凜如有生氣也或磨以沙石終不滅爛以熾炭狀益顯如新函

新史

戴逢源妻蕭氏永豐人守節慕道二子通甫升甫從學朱子朱子爲書貞婦戴母蕭氏夫人阡楊萬里周必大吳澄皆有記府志

陳政妻聶氏永豐人年二十八夫亡守節課子子銘官開封縣令有政聲府志

劉伯周妻董氏永豐人年十九夫死於寇無子求得夫

屍卽自縊

府志

王純元妻陳氏永豐人景炎二年元師下吉安氏抱子避於柯藤峽被執義不受辱遂遇害同時王淑文妻毛氏亦避亂於牛牯石下兵至以頭觸石死

府志

蕭氏泰和人張汝賢汝明母也賢而克教嘗脫簪珥以佐讀後汝賢兄弟果學成登第

府志

元

湯輝妻張氏龍泉人天歷初爲兵掠割刃死二女以父母見殺亦觸刃死

函史

黃景立妻彭氏永豐人年十八生一子而景立亡彭斷髮誓曰死不願他適而使藐孤別呼父母至順閒奉詔

旌表

謝志

蕭均衰妻曾氏泰和人生子善顧方二歲均衰以越境就傳得疾將死曾年二十二痛哭引刀斷二指滴血濺酒飲而誓天曰留此二指殉夫衾袖祔同棺槨庶日後不羞顏於地下耳越七日均衰死如其言納之

謝志

鄧心遠妻王氏泰和人至順閒心遠教授南海死廣州

王聞訃痛哭欲絕其子彬尙幼撫之以終

謝志

熊以德妻李氏吉水人年二十四夫亡守節教子撫孫年九十而終

謝志

曠維貞妻曾氏廬陵人至正壬辰紅巾盜至敖城執曾與子學禮曾伺閒先刃其子以血題詩於壁有孤兒未必從他姓一女何曾侍二人之句詩成亦自盡

謝志

項惠可妻唐氏龍泉人至正壬辰春紅巾寇亂惠可具

舟遠避甫及新林寇奄至麾眾薄舟唐見事急與其夫訣曰我良家子義不受辱所恨惟老母在母曰女能取義我獨不能舍生乎遂相繼赴水死寇亦驚異倒戈相援不及謝志

梁圓妻李氏龍泉人年十七圓死守節終身

謝志

楊用霖妻蕭氏子婦劉氏泰和人紅巾之亂姑病不能出蕭與劉皆不忍去城陷並投井中鄰人劉應瑞妻陳氏妾鄧氏繼之俱死安成劉雲章著蘭陵烈婦傳明宏治閒知縣楊南金爲立四節婦祠

謝志

左幼白妻龍氏永新人年十九幼白爲江西廣洋庫使從元兵攻廣海卒於軍龍迎柩歸葬削髮誓不他適嘗折榴置靈案瓶中旬日枯卉復生因植之庭翰林永旨

歐陽元功爲大書榴萱扁其堂楣

謝志

左白府志

案林志作

左幼白

彭九萬妻李氏永新人至正壬辰紅巾盜至李及子友

諒女秀琪俱被執脅以白刃問所求李罵賊而死

謝志

危元貞妻李氏永新人年二十元貞卒李哀泣幾毀家

人欲逼嫁之李引刀將自殺乃止

謝志

劉閏妻張氏吳崧婦某氏

府志作子婦縣志作孫婦

安福人元末紅

巾賊至二氏避於湯邨相挽赴水死同邑鄧隆彰妻王

氏被寇掠不屈死

謝志

劉節婦龍氏名琇永新人至正閒其族父舉義兵不克
州陷家燬及琇歸安福劉某值淮寇李明襲安福劉舉
室將竄以江水暴漲不果琇自誓必死頃之寇奄至逮

奔江中寇引槊以鉤其髮琇反手解結乃就溺寇相視驚愕去時年十九劉楚爲之傳

槎翁集

謝志

胡氏女名妙貞永豐人受余一作喻勝祖聘未嫁而勝祖卒父母欲令改適胡齧指誓欲速死父母不敢奪竟遂

其志

謝志
府志

鍾文妻某氏泰和人元末盜起湘南陷吉郡執文令降文大罵賊怒剗其身妻見而號呼投井紀善周是修目擊其事爲長歌以悼之

豫章書

陳氏吉水人英颶女許聘於蕭及笄而蕭死女哀不自勝數日不食亦死合葬焉

謝志謹案謝志陳氏傳云與下文明代陳英金女事

實姓氏音同疑一人而復出者也致縣志陳氏傳有景泰間許聘事當入明代仍存之以俟致

李處泰妻周氏吉水人寇焚掠其家同姑赴火死

府志載姑

郭氏李奉詔旌表

謝志

謹案府志列入明建文永樂

文奎妻

開

又云燕兵起

江右紅巾賊亂考建

文末永樂初

江右無紅巾亂事依謝志爲長

李曾

一作

泰來妻龔氏吉水人紅巾賊起執龔欲污之厲

罵被殺

謝志

錢瑛妻張氏吉水人元末大亂姑被賊執張從伏莽中窺見趨出謂賊曰姑老矣請釋而縛我賊見其年少遂縛之去見姑行遠罵賊不休攢刃刺殺之

元史

孫氏安福人家貧歲饑夫欲嫁之婦不從攜一男一女

赴水死邑人劉定叟作詩弔之

謝志

劉平妻賀氏安福人年二十撫二孤守節養姑年八十

而終

謝志

蕭道甫妻羅氏萬安人年二十夫亡勵節撫子其後孫

觀亦早卒其妻守節以終孫女適某氏早寡守節邑令
康彥民紀其事云蕭氏一門瑞氣鍾清風三節將誰同

謝志

鍾仁卿妻危氏吉水人仁卿爲四川內江學諭蚤歿危
守節撫孤至正閒壽一百三歲詔旌表

謝志

何某妻賀氏名誠姑永新人至正閒斬兵陷邑殺其夫
問兵帥議聘之遂題詩於壁引刃自斷其喉而死

謝志

羅某妻賀氏永新人幼慧工詩羅以僭逾扞網舉家就
逮賀上書千言淒楚婉切上憐其才赦還有富豪欲奪
其志賀傍夫冢爲雙穴以示不二

謝志

李光遠妻周氏吉水人亦山女夫亡守節三十有四年
紅巾賊至死之兄聞訃誅之曰婦爲節婦無歎於夫死

於鋒刃亦又何污

府志

西鄙婦萬安人姓氏未詳元季寇至被逼抱子赴龍潛

江死

府志

王伯康繼妻謝氏安福人伯康赴難戰死沈州氏年十九遭亂撫前子苦節守貞劉翼南著貞婦傳

府志

明

王用均一作均妻劉氏龍泉人年二十二而寡撫孤守節

洪武閒奉詔旌表

謝志

湯大亨妻陳氏永豐人年二十六而寡撫孤守節被旌

謝志

楊存海妻曾氏吉水人夫亡守節立姪福爲嗣洪武閒

旌表

謝志

劉志亨妻蕭氏泰和人蚤年守節同邑胡祖與妻嚴氏年二十七夫亡守志俱洪武閒旌表謝志

康安仁妻陳氏名端生泰和人年二十歸康生子德昭夫亡誓不負所天事舅姑益謹十三年而姑亡喪不愆禮葬不踰期守節凡七十年洪武十六年江西提刑按察司試僉事翁師善廉得其實以聞十九年旌其門海桑集

楊鼎元妻李氏吉水人年二十而寡撫孤守節洪武閒旌表謝志

劉啟宗妻羅氏廬陵人年二十八夫亡守節同邑周京妻彭氏年二十八守節俱洪武閒旌表謝志

郭希泰妻蕭氏泰和人年二十六夫亡守節同邑楊起

予妻劉氏早寡守節俱洪武間旌表

謝志

陳內美妻李氏永豐人年十九夫亡守節奉詔旌表

謝志

蕭永誠妻羅氏龍泉人年十八夫歿守節以終洪武間

旌表

謝志

劉運妻蕭氏永豐人運從父鶴守韶戰死蕭年二十三

守節撫孤女立姪爲後洪武間詔旌之

謝志

樂大成妻胡氏泰和人年二十歸樂未幾大成卒撫孤

守節大學士楊士奇爲之銘

謝志

彭原復妻劉氏原復泰和人劉爲萬安處士本直女歸
彭生二男三女年二十六而寡幼涉書記能知古者女
婦賢行誓死不嫁嘗以其父所藏書訓其子訥遂有成
其處姻族恤鄰里馭臧獲各盡其道卒年六十八王直

爲之傳

文端集

李白
作懿邦振妻周氏吉水人洪武閒邦振兄邦武以坐累就逮至京邦振從行兄病卒邦振亦哀毀而死周年二十二守節事姑撫子沂浴後沂浴作貞節堂學士周

敘爲序

謝志

胡原長妻曾氏吉水人夫坐累戍邊死其子紹從行曾與子婦劉氏撫孤孫守節逮孫死劉卽自縊曾亦三日不食死後紹自邊歸葬母於石屋山之原妻附葬焉謝志

府志

郭氏九節婦俱廬陵人郭願學妻劉月娥年二十一撫子永堅守節永堅妻金主娘年二十守節里中寇亂金遇賊不辱赴水死安泰妻劉秀英年二十三守節安鼎

妻劉妙靖早寡無子守節以壽終敬儀妻王瓊英年二

十六守節年八十五卒敬熙妻陳慈貞無子守節卒年

七十二厥貞妻劉阿嬌年二十一撫孤守節卒年七十

六厥蘊妻戴芹英年二十四撫子守節以壽終郭氏女參娘許適蕭生生歿誓死守節諸父欲奪其志參自縊

死謝志

周岐鳳妻王氏吉水人王爲教諭省女建文時省死節於濟陽明倫堂岐鳳方主卽墨簿王與偕行逆知父志泣曰吾父必不生請於夫遣人往訪凡三往竟得其遺文遺骨以歸豫章書

顏有爲妻蕭氏廬陵人有爲伯璋之子建文時死父難於沛縣蕭氏養姑守節二十餘年豫章書

陳繼文妻黃氏吉水人旣受陳聘陳忽病風癆黃親往視之與之治湯藥踰月而陳卒黃守節及五十年題請旌表

謝志

羅揚清妻王氏吉水人年十六夫亡守節夫兄不度偏令改婚王密取夫遺衣衣之戴笠出赴池水死

謝志

解禎亮妻胡氏吉水人大學士廣女初解縉與廣同侍宴太宗曰爾二人生同里同學仕又同官縉有子廣女可妻之廣頓首曰臣妻方娠未卜男女帝笑曰定女矣已而果生女遂約婚後縉家徙遼東廣欲離婚女截耳誓曰薄命之婚皇上主之大人面承之有死無二及赦

還卒歸禎亮

謝志

饒伯振妻劉氏名順慶永豐人元國史編修鶴女夫亡

江都縣志卷二十三
吉安府
守節永樂閒旌表

謝志

梁潛妻楊氏泰和人潛官侍讀被讒死楊絕粒自盡楊士奇銘其墓

府志

尹昌隆妾施氏泰和人昌隆在永樂朝官禮部主事以讒死株連家屬施託其子灝於楊士奇代嫡康氏受戮

府志

羅仲良妻李氏名淑龍泉人永樂丙申仲良卒無子李守節年六十九有司請旌

謝志

曾鳳韶妻李氏廬陵人靖難兵入金川門召鳳韶爲吏部侍郎鳳韶刺血書詞襟上自殺李亦自經死

謝志

陳道修妻羅氏永豐人道修抱父骨投揚子江中死羅年十八誓死守節年八十二卒宣德閒旌

謝志

丁恆信妻羅氏名潔貞永豐人夫亡養姑守節正統閒

旌表

謝志

周時發妻王氏名晚貞安福人年十九撫孤守節及祖姑張氏姑李氏三節共居紡績課子鑿井自汲成化二年旌

謝志
府志

蕭壽遠妻蔣氏名壽松泰和人年二十八夫亡守節被

旌

謝志

劉永輝妻翁氏泰和人鄰人嘗歸所假稱具者既啟視有金餅二翁氏謂永輝曰此必某所遺掩而有之不義盍召還之其人始驚謝無何永輝卒子幼力單勤績以給有里母勸之嫁翁氏泣罵絕勿與通翦髮自誓正統閒沙尤盜起攻圍城勢危甚翁氏謂其子璋曰汝身宗

祀所繫萬一城陷宜求自全毋以我累明年二月竟以驚憂成疾卒年四十九後七年璋成進士官於朝彭教

爲之傳

集瀟江

楊相妻廖氏泰和人相永樂甲申會元選入翰林及爲主事以文章名天下未幾卒官廖年二十二扶櫬歸葬子奕奐皆在襁褓相初娶曾氏有女撫育之如所生景泰元年旌門年六十三守節厯四十年貞潔之操至老

不渝

文端

尹氏女泰和人景泰初尹之鄰爲官兵所執波及尹室羣罹禍難女自縊死又有尹流女爲賊所逼自縊死謝志劉如璵妻謝氏泰和人年二十二璵卒誓死守節劉鑑題其墓曰苦節

陳氏吉水人英鉉女許聘蕭載紱子年及笄而夫死陳聞之數日不食亦繼死送合葬焉天順閒詔旌表謝志

周尙信妻陳氏萬安人夫亡守節撫孤存敏及娶未久卒其孫曰藻曰鐸及曾若元皆位方伯陳年八十而終徐理銘其墓謝志

鄧珍妻蕭氏吉水人年二十二珍官編修卒蕭守志事舅姑以孝聞年八十八卒天順閒旌表謝志

楊復環妻陳氏泰和人夫亡撫孤守節天順閒旌表謝志

劉縉妻曾氏萬安人年二十四夫亡守節自矢孝事舅姑天順閒旌表謝志

蕭子綱妻郭氏泰和人年二十夫亡守節同邑曾繼福妻胡氏名淑廉年二十而寡孝養舅姑守節以終俱景

江都縣志

泰閒旌

謝志

曾思文妻楊氏泰和人年二十四思文卒楊守節撫孤嶽比長爲娶康氏生子洧時年二十四嶽卒康守節如其姑景泰閒有司請旌表詔下而洧亦卒洧妻任氏人或勸之嫁曰吾曾家無背夫婦守節以終人稱曾氏三

節

謝志

劉述宗妻周氏萬安人年二十四夫亡撫遺腹子守節四十餘年景泰六年旌

謝志

周文精妻郭氏萬安人適周十年不育遂爲夫娶妾羅氏生子賢挺甫四歲而文精卒未幾羅亦卒郭撫遺孤守節年八十四而歿大司空朱衡銘其墓大僕羅良爲

之傳

謝志

劉遂妻孫氏淪妻胡氏潤妻胡氏廬陵人孫氏名文貞年十八守節胡氏名滿貞年二十七潤妻胡氏名甯貞年二十六俱撫孤守節成化閒有司上其事詔旌劉氏

三節婦之門

謝志

羅厚妻曾氏名溥秀永豐人副使曾鼎女年二十三厚歿守節同邑羅清律妻王氏年二十五守節成化閒旌

謝志

羅子宏妻郭氏楊崇藝妻蕭氏俱泰和人早寡撫孤守節成化閒旌

謝志

周伯循妻曾氏吉水人年二十守節成化閒旌

謝志

王尹妻蕭氏安福人成化閒夫死撫孤女守節偶歸甯夢夫如平生速之歸且聞有異圖者次日卽馳哭墓所

江西通志卷一百三十一
吉安府
志
嘔血數升死其翁貫作詩以哭之

謝

周禮妻劉氏永新人年二十夫亡守節旌表

謝

江繼文妻劉氏永新人年二十而寡撫孤守節子玉琳成進士詔旌其閭知府柯巡撰貞節碑兩經兵燹碑獨不毀

謝

劉嘉迪妻朱氏安福人嘉迪亡無子朱守節事舅孝謹年八十六卒同邑歐陽時美妻高氏少寡撫孤守節年六十卒

謝

伍極萬妻戴氏名闇潔安福人年二十一而寡撫孤守節同邑王美會妻朱氏年二十而寡撫孤守節俱成化

聞旌

謝

曾武妻陳氏廬陵人年二十而寡撫孤守節宏治閒旌

志謝

白甫善妻歐陽氏泰和人年二十六夫亡守節旌表

謝志

楊玘妻廖氏名仁姜泰和人年二十二玘卒撫遺腹子

守節旌表

謝志

劉攸妻龍氏劉畧妻湯氏俱永新人龍早寡守節湯年

二十四夫亡守節皆宏治間旌

謝志

劉廣威妻周氏萬安人年二十三夫亡守節同邑蕭宜

寬妻劉氏年二十而寡撫孤守志俱宏治間旌

謝志

伍希憲妻劉氏名順貞安福人年二十八希憲卒託劉

以母與孤劉自誓守節養姑教子一如夫命宏治間旌

謝志

蔣廣妻胡氏廬陵人廣官吉安千戶所舍人早卒胡年

二十五守節宏治閭旌

謝志府志

羅宜元妻朱氏萬安人員外廷章女年十九夫亡守節
宏治閒寇至倉皇同婢奔歸母家渡舟中或牽其手怒
曰身可溺此手不可辱竟舍舟涉水而渡年幾百歲卒

建坊

謝志

陳乾妻王氏萬安人宏治閒乾亡無子王年二十清操
自勵年六十八卒

謝志

劉士鴻妻周氏泰和人士鴻以被徵辟卒於京周年十
九生子僅一月誓不再適撫子養姑以壽終正統中旌

明一
德志

羅韞妻歐陽氏名壽娘吉水人年二十五夫亡長子
篤溫方三歲次篤良尙在娠越四月而生撫孤守節比

二子成立篤溫亦娶歐陽氏生子期年而亡篤良娶袁氏生子五歲而卒妯娌相告曰姑爲節婦我屬可改節乎乃協力共守姑年六十溫妻年九十良妻年五十五

卒

明書

郭仲稷妻聶氏吉水人年二十生子趙

一作越

三月仲稷

亡父母欲奪其志聶聞之齧指出血而誓之曰甯死無復事他人撫孤以終

謝志

蕭子羽妻阮氏安福人生子數月子羽有惡疾而貧甚慮其或不能守阮泣曰紡績足以治生子羽卒養姑撫子不易初心子羽族弟懋廣妻劉氏年二十撫孤守節終年七十懋廣從弟習敬妻歐陽氏亦年二十守志時

稱蕭氏三節

謝志

彭文孚妻王氏安福人年二十五而寡家貧無子守節

孝養舅姑始終弗渝

謝志

蕭邦道妻羅氏萬安人年二十邦道病危篤曰保吾子

以存宗祀邦道卒羅誓不改適撫教遺孤年九十卒同

邑王子彰妻郭氏夫亡子幼守節年踰七十卒

謝志

曾友文妻賴氏萬安人年二十夫亡子敏生方三歲賴

紡績以養舅姑訓敏讀書游庠人比之陶母云

謝志

劉本達妻單氏萬安人年十九本達歿子理生三歲家

徒四壁勤儉教子以終同邑劉宗壽妻康氏年十八而

寡孝養孀姑守節始終一心彭文彬妻葉氏年二十一

文彬卒家貧子幼舅姑俱老仰事俯畜俱出於紡績以

壽終

謝志

羅文忠妻劉氏名淑賢廬陵人文忠客死於楚劉年二十四惟一女舅姑憐其少勸之改適因以文託妯娌就

寢自縊死

豫章府志

陳康

公康一作

妻劉氏泰和人年二十四而寡生子始逾月

守節撫孤長爲娶任氏不二年其子復卒生遺腹子泌

時任年十九誓與姑同志學錄梁栗爲作雙節記

謝志

李惕妻劉氏永新人年二十夫亡其兄私受人聘將強

之嫁劉自縊死

謝志

李輔

宗輔一作

妻歐陽氏永新人早寡無子誓不改適歸母

家依弟姪以居後其弟姪之婦凡寡居者皆慕其節至

十餘人

謝志

羅秉厚妻曾氏泰和人淄陽縣丞忠朝女年二十六秉

厚卒一子用元甫彌月矢節教育年七十四卒羅用俊

爲著慈節傳

謝志

劉賦秀妻彭氏廬陵人年二十夫卒聞有議嫁者閉戶自縊死時年二十一

豫章書

蔣庠妻楊氏廬陵人庠爲吉安千戶所舍人早卒無子

楊年二十貞操不渝人稱爲真節婦

謝志

劉混洋一作渾妻王氏安福人年二十七混洋卒王卽欲

自盡念姑老子幼忍死以守年八十三卒

謝志

甯集略妻吳氏名姑姑永豐人年十八適甯未一年夫卒六日不食所親百方解譬始食粥朝暮一溢米服除母憐其少欲令改適往視之同寢食三年竟不能出一語歸謂諸婦曰此女鐵石心不可動也

明史

王堯儒妻丁氏吉水人丁隨父官河南堯儒往就婚焉時丁年十九越三月堯儒以疾卒遺腹生一女未幾父亦卒丁隨兄奉父夫二喪歸道經新淦其兄強之歸丁氏堅意歸吉水雖家貧無依不計也年七十二卒謝志

王氏名素英吉水人年十九歸庠生周必登宏治七年必登以疾終王哲與同死不食數日母死歸弔一日語弟曰我死屍還周氏弟方出忽以無疾卒於家弟如其言還屍於周人莫不傷之明書

李修妻王氏廬陵人年二十四修卒子本淵甫二歲氏事姑撫子自誓年五十卒謝志

周梯雲妻許氏安福人進士煦母也年十九梯雲卒許方有娠欲以身殉姑曰存祀與死孰重許曰娠男則生

不男則死四十六日而生煦遂以養舅姑存孤子爲已任年六十九卒嘉靖閒煦自疏母節於朝受旌

謝志

周賢佐妻胡氏名坤秀萬安人正德庚午兵亂胡出走賊追之度不能免乃趺坐於地賊驅之起行曰不能行指輿使乘之曰不能乘賊怒以刀斫之遂伏地而死

豫章志

書

朱景學妻羅氏名欽娘泰和人年二十四景學卒遺孤二誓不改節孝養舅姑撫訓二子有司以其事聞命下而卒

謝志

蕭貴言妻王氏名蓮娘泰和人年二十五夫卒家貧甚子女各一人紡績以給朝夕教撫不懈年六十卒

謝志

蕭時玉妻梁氏名文英泰和人年二十夫卒時瞠目視

兒女梁逆知其意齧指示之遂瞑事姑撫子終身無怨
言年七十七卒祭酒羅璟謂其如精金美玉不負所天

云

明一統志

伍顯萬妻歐陽氏安福人年十九夫亡生遺腹子夭靜
居室中足不踰閥年七十卒

謝志原案府志作歐陽顯萬妻伍氏未知孰是

王良粹妻劉氏名志嬌安福人年二十五良粹以逋稅
卒於外時二孤俱幼撫之長歸夫喪葬於欽祐廬其墓
因家焉卒年九十五萬曆閒旌學士鄒守益作節壽堂

銘

謝志

李存紀妻劉氏安福人年二十四夫亡矢死守節撫孤
四十餘年卒年七十南雄知府劉寶表其墓大學士邱

濬銘其堂

謝志

吳觀凱妻王氏安福人年二十三而寡守節撫孤子節

官至祭酒王卒年九十三王直爲作貞榮堂記

謝志

解氏五節婦俱吉水人瑛妻劉氏年二十二夫亡守節

年五十六卒璇妻李氏年二十八夫亡守節年六十二

卒璣妻徐氏琪妻周氏玉妻曾氏年皆二十餘而寡自

矢守節人爲之語曰解氏五節松貞玉潔

謝府志

張寅妻康氏安福人旣聘而寅遠遊不歸父母欲令改

適康矢死不二及寅歸完娶康年已三十餘寅登進士

官至太僕寺丞康儉約如未貴時每歸省猶躬執爨鄉

里美之

謝志

鄒會春妻李氏名菊娘仕魯妻謝氏名妙英具式妻鄧

氏名新娘俱安福人會春卒兩弟亦相繼歿李年二十

五謝年二十九鄧年二十四俱矢志守節並登耄壽巡
撫王守仁表其堂曰三節楊士奇爲之序正德閒旌

謝志

志府

王學謹妻梁氏年二十四夫亡守節撫孤國成勉以忠
孝比長從王守仁討宸濠有功後勦洞賊死事聞旌曰
母子節義之門

府志

歐陽嵩妾劉氏名季姐泰和人嵩爲郎中病卒劉年二
十五誓隨正室蕭氏守節蕭曰此非易事且汝無嗣劉
氏曰有宜人在死生以之因相倚爲命及蕭病劉侍湯
藥月餘衣不解帶蕭卒劉哀痛殮畢遂自縊柩旁

謝志

蕭啟甫妻汪氏廬陵人啟甫以轉運入京病卒訃至汪
慟欲自盡姑多方慰之汪曰夫行我憇患之我不可生

矣竟潛出投池死時年十九

謝志

劉氏泰和人清女幼許聘張氏子清以張貧議改適女自縊死

謝志

張氏名貞姿萬安人成甫女正德庚午流寇入城貞姿隨眾走稍偏卽奔赴直徑之塘自沈而死泰和羅欽順以詩輓之

整庵續稿

孫程妻康氏泰和人程就選京師母沈病劇康構於天剗左臂肉和藥以進沈病遂愈

謝志

董朝紳妻袁氏吉水人早寡守節以紡績養姑正德辛未流寇突至婦與姑同被執賊欲辱之姑婦相持哭聲

震地賊遂相戒勿犯釋之歸

謝志

歐陽循瑚妻張氏萬安人夫亡守節事翁姑以孝聞遺

孤七歲口授書史家宰歐陽鐸撰貞母文

謝志

曾氏名淑貞泰和人許婚任鋼及笄鋼卒訃聞曾自縊

死遂同穴葬焉

謝志

聶豹妾葉氏永豐人豹官尙書葉年十四歸豹一日豹

閱廣東通志葉問何書曰此節婦傳也因戲問汝他日

能效否曰謹受命豹卒年二十二矢志守節三十年

府志

曾周易妻羅氏泰和人嘉靖中流寇至周易遇害羅哭

罵賊賊怒槍刺入腹貫及喉下猶咯咯罵聲隆慶閒

旌謝

謝志

曠子雲妻袁氏泰和人寇至被掠投水死時年二十五

子雲義之終身不娶同邑胡孟賞妻劉氏寇至被執罵

不絕口賊支裂之

謝志

劉蘊球二女安福人蘊球挈家客思州長女適王邦潮次女未嫁會苗破思州二女相攜赴澄塘水死先是王婦乳兒纔二歲勢急裹兒置石崖中賊去女奴得其子因覓死者於澄塘面如生仍兩手相攜當事裹之給驛歸櫬還葬鄉里謝志

易氏分宜人嫁安福王世昌時世昌已遘疾奄奄十越月易事之衣不解帶世昌死除喪猶縗素姑憐之謂汝猶處子可終累乎跪泣曰是何言哉父母許我王氏卽終身王氏婦矣自是獨處一樓不窺外戶四十餘年方世昌疾所吐痰血輒手一布囊盛之後用所盛囊爲枕枕之終身明史

顏旛妻伍氏安福人夫卒有軍人李敦欲強娶之伍自

縊死事聞置李於法詔旌其門

謝志

王世文妾桂秀安福人世文官副使歿時桂秀年甚少聞主母將遺之自縊死

謝志

彭紹三妻周氏安福人嘉靖壬辰爲寇所掠周憤罵不從賊憐其色從容誘之終不可犯乃見殺

謝志

彭子繪妻高氏安福人子繪乘馬出鄉人有報讐者以子繪貌似怨家誤殺之高年二十四鳴諸有司得理守節三十七年司成張文懿諭德劉戩誌而傳之

謝志

楊載鳴繼妻蕭氏泰和人楊官通政娶蕭逾月卒於官

蕭哀毀守節以終後旌表

謝志

王卿行妻劉氏安福人年二十夫亡守節於夫墓下斬指以血書石自矢歷四十餘年卒

謝志

左氏安福人許聘湯氏子未婚夫歿有媒議改聘女聞

自縊死

謝志

劉堯妻顏氏安福人早寡守節里豪掘煤於其舅之墓成坎顏泣阻不得遂投身坎中死事聞巡撫置豪於法而旌顏氏之孝

謝志

劉來咨妻蕭氏廬陵人年二十三撫孤守節卒年八十

四羅洪先表其墓

謝志

周某

一作淇

妻郭氏萬安人年二十四夫亡撫二遺孤家

貧守節同邑劉應壽妻彭氏年十九撫孤守節詔給粟

帛後復旌門

謝志

蕭曰洪妻譚氏萬安人夫亡撫二子才匡才冠守節嘉

靖乙未奉詔旌表

謝志

許崇妻朱氏萬安人嘉靖時崇卒韶州任所朱與次室
賴氏皆以年少守寡姑彭氏亦早寡冰操自矢郡守劉
憲龍旌以一門三節謝志

胡智郎妻鄒氏名玉英龍泉人年十九而智郎卒撫子
廷玉及長娶袁氏生子魁甫三歲廷玉又卒姑婦二人
交相勵節鄒年七十二卒袁年九十三卒嘉靖中旌表

謝志

陳洪妻劉氏吉水人年十九歸洪居三月洪出商以病
歸卒生子甫數日劉一意守節年七十卒羅洪先爲之

謝志

李秀妻周氏吉水人年二十六夫亡撫遺孤家貧事姑
盡孝後子廷諫孫邦華同舉鄉榜成忠節名臣累贈一

品夫人

謝志

王倫妻彭氏子婦劉氏孫婦李氏安福人倫及子宜觀
孫達俱早歿彭年二十六劉年二十五李年二十三世

守節彭年至八十劉九十二李六十一世稱爲三節

謝志

萬廷琮妻劉氏安福人年十八廷琮卒子甫晬自誓守
節未幾又卒立姪惟昂爲後翁任崖州姑強之隨行翁
卒於官劉綜理家務扶櫬而歸時以爲才節兼全有司
上其事建坊旌表

謝志

王和妾郭氏安福人年二十九和歿撫孤學吾守節事
嫡劉甚謹卒年六十四羅洪先誌其墓

謝志

劉遇詔妻楊氏安福人詔歿楊守貞不渝徵君劉瀘瀟
以詩表之又王個妻劉氏個歿子汝良生甫四月劉撫

之守節年七十餘卒侍郎劉陽爲之傳

謝志

郭賢妻袁氏安福人年二十四而寡撫孤守節子又蚤
殤訓育三孫至於成立年八十五卒同邑謝待價妻朱
氏年二十守節卒年七十俱奉詔旌表

謝志

張最春妻蕭氏永豐人年十九夫亡無子守節嘉靖乙
卯邑令吳鳳瑞申請旌表

謝志

曾謨妻郭氏廬陵人謨登天順壬午鄉榜以癸未試院
失火歸而疾篤謂郭曰吾志未就子孫必有續其業者
可以我書授之言畢而卒郭年二十五苦志守節事姑
教子年百有二歲嘉靖十一年孫孔化貴建坊旌表額

曰節壽

謝志

王某妻梁氏廬陵人年二十一一作二而寡撫二孤國成

國游成立年八十三卒國成以義死孫育仁登進士詔旌其門

謝志

曾世臣妻劉氏廬陵人早寡撫孤女守節有司上其事建坊表曰貞節

謝志

周珪妻劉氏廬陵人尙書宣女年二十八珪卒生子允方數月撫之守節年六十有司請旌表

謝志

劉博妻周氏郭某妻蕭氏俱廬陵人少寡守節嘉靖間旌

謝志

曾世祚妻朱氏廬陵人世祚疾篤謂朱曰守吾志朱泣曰妾無所出君死亦死耳守何爲夫卒治葬令營二穴遂三日不食死時年二十二

謝志

歐陽素顯妻王氏廬陵人夫亡守節嘉靖閒建坊旌表

謝志

彭德妻王氏廬陵人年二十四德卒撫遺腹子寅守節

後孫時濟仕至左都御史建坊旌表

謝志

謝應棟妻龍氏名音嬾永甯人年二十夫亡守節嘉靖壬寅賊劫其家龍被執痛罵不從以刃脅之遂挺身曰

甯殺我不受汝辱賊異而舍之

謝志

張樞妻楊氏名五娘永甯人年二十五夫患病甚篤醫謂勢不可起其姑具以告楊曰夫亡我何用生願以身代乃投豆與幼兒永訣曰汝當學善遂自縊不旬日而夫病愈

謝志

顏禮一作堯禮妻劉氏永新人夫亡年二十無嗣守志同邑

劉暉妻李氏年少守節皆奉詔旌表

謝志

賀備妻李氏永新人年二十一夫亡守節同邑千戶高
寰妻朱氏年二十六自誓守節皆奉詔旌門

謝志

楊霄妻陳氏泰和人年二十夫亡生子甫二旬誓死守
節喪滿外戚諷之嫁陳持斧曰須斧此兒乃可改其人
驚走無復敢言者卒年六十二御史歐陽雲扁其堂曰

慈節

謝志

周欽臺妻蕭氏泰和人早寡撫孤養姑卒年八十有二
建坊

謝志

梁離明聘妻高氏吉水人未嫁而夫卒女年十五諸豪
家爭聘之其父已諾女知之遂自縊死

謝志

歐陽氏名雪玉安福人年十三字劉氏子劉商於滇不
歸或傳已死女矢志守貞卒年六十五康若生有詩紀

其事

謝志
府志

李尙友妻羅氏廬陵人夫亡羅年二十一無子守節四十

年卒

謝志

歐陽昭妻張氏廬陵人年十九守節建坊旌表

謝志

黃良寵妻羅氏吉水人年十八而寡矢志守節年七十

卒天啟間旌

謝志

劉秉監妾紀氏臨清人秉監安福人官副使忤閻謫潮

州遷守臨安卒越三月子芃生紀年二十二抱芃告廟

守節以終

謝志

鄒美妻周氏安福人美舉於鄉早卒周年二十九守節教子長德涿成進士次德洙以明經授知縣季德潔貢監涿爲御史時建言罷歸拜庭下周慰之曰汝不愧文

莊家風吾何憾焉萬曆甲午詔旌其門曰貞壽謝志

劉永妻朱氏安福人永以貢生令增城卒朱年二十八

守節撫孤歷四十年卒

謝志

蔡夢彥妻周氏安福人姑病刲股以進姑服之而愈劉元卿爲之傳同邑王三重妻張氏一作謝氏事姑孝姑病刲

股進之遂愈事聞旌曰純孝之門

謝志

顏旦妻劉氏安福人年二十三夫亡守節年八十五卒

曾孫欲章中萬曆進士疏聞詔旌表

謝志

顏有容妻王氏安福人年十九夫亡守節撫孤歷四十

餘年卒

謝志

郭天寵妻康氏龍泉人天寵初爲弟子員後棄儒以策
干虔撫張翀題授將軍總兵平寇他日訛傳天寵死康

慟甚投河巡按張銓以事聞奉旨旌閭

謝志

王仁佳妻郭氏龍泉人年十九仁佳卒撫孤守節受旌

謝志

李奇藝妻張氏龍泉人年二十二而寡立嗣守節歷三

十餘年卒

謝氏謹案謝志有彭惟岑妻
今據府志改列國朝

賀符妻王氏永新人年十八夫亡守節撫孤及見孫大

亨登萬曆庚子鄉舉年八十一卒旌表

謝志

曾蕭一作篇妻蕭氏廬陵人年二十夫亡撫孤守節子超

娶劉氏年二十三而超卒孫宏娶歐陽氏年二十五而

宏卒劉與歐陽俱以節終蕭以萬曆壬寅奉詔旌表

謝志

賀之熹妻龍氏永新人年二十一而寡撫孤守節姑憐

其年少欲令改適龍遂赴江死

謝志

彭潤妻胡氏廬陵人年二十一守節萬曆閒旌表同邑
劉烺妻曾氏年二十五守節教子年六十四卒旌謝志

徐惟元妻廖氏永豐人年二十一而寡守節歷四十餘
年卒又丁森郁妻張氏年二十四夫亡守節撫孤孤夭
撫孫以老屢奉旌表謝志

彭球紳妻劉氏安福人年二十二球紳遊滇屬以老母
幼子未幾球紳卒劉事姑撫子守節以終年八十卒旌
表謝志

王良相妻歐陽氏安福人年十八夫死姑老且病子翰
生甫四月歐陽誓死守節事姑盡孝姑臨歿呼之曰孝
婦孝婦萬曆閒旌謝志

蕭憲妻歐陽氏安福人憲卒撫孤世瓘姑病湯藥必親

年五十祭酒鄒守益著節壽銘表之其從子世琢妻劉氏年二十五夫死無子亦以節終

謝志

朱國俊妻劉氏安福人夫亡誓以身殉翁開諭之乃止以紡績養舅姑撫子鄒元標爲詩頌之

謝志

鄒承明妻顏氏亮明妻周氏安福人顏年十九承明以勸賑冒暑卒守節十四年一日遘疾子世鑾世蘭招醫診視顏堅拒之世蘭剗股以進延一月而卒周年二十三夫死守節事姑以孝聞

謝志

彭建夫妻劉氏安福人歸彭不數月而寡母以無子勸其改適劉曰吾不獲殉夫於地下者以有母也豈有他志哉遂誓死守節萬曆十九年詔建貞節坊

謝志

王有初妻涂氏永豐人年十九夫亡守節以紡績養姑

同邑陳鎬妻袁氏年十五鎬病篤屬曰我母在堂奈何袁泣曰養姑在媳朝夕織紝以奉菽水卒年八十三俱萬曆閒旌謝志

張朝宸妻徐氏永豐人年二十六夫亡無子立姪爲後鄒守益爲書勵節卷以美之謝志

黃幼光妻董氏永豐人幼光以赴試病卒童年二十一無子守節羅汝芳撰風雨亭記述其事謝志

杜宗舜妻蕭氏廬陵人年二十七宗舜歿守節撫孤萬曆閒旌謝志

彭儲粹妻劉氏廬陵人年二十儲粹歿撫孤守節歷四

十年太僕曾皋爲之傳謝志

彭以見妻劉氏龍泉人年二十三夫亡撫二子之麟之

鯤俱力學嘗從鄒元標遊有司具題旌表

謝志

何一慈妻曾氏泰和人何籍萬安一慈亡事姑守節歷

二十年萬厯閒旌

謝志
重見於

謹案謝志有黃麟徵妻劉氏
國朝列女中今刪此存彼

李邦華妻周氏吉水人邦華直節危行屢遭患難周絕無怨尤疑懼惟以忠義相勸勉卒於丁亥三月與邦華

殉難同期其孫長世妻朱氏亦相夫知大義

謝志
府志

賴南叔妻蕭氏萬安人夫早喪無子遺一女時寇大起築室與女共居盜突至率女持利刃遮門詈曰昔甯化曾氏婦立砦殺賊汝謂我刃不利邪犯我必殺汝賊怒縱火焚之二人咸燼

明史

劉位妻康氏仕妻周氏俊妻姚氏俱安福人康年十八而寡周年二十四而寡姚年二十一而寡皆守節以壽

終天啟閒建坊旌表

謝志

王謗妻劉氏安福人忠節劉鐸女也幼敏慧過人學書又學劍年二十一謗卒遺孤文度尙未笄矢志守節甲申之亂有猾將張姓者陽以軍需責餉欲逼劉氏劉以刃相向曰有斷頭寡婦無辱身寡婦也張乃止劉祭父躬自爲文又刻父遺集未竟而卒時年三十五文度爲邑庠生搜其詩文遺藁得十餘卷謝志

朱國璿妻劉氏安福人國璿歿遺二子親戚勸其他適劉泣曰祖母謝氏貞壽名堂妾敢墮先烈而棄藐孤乎紡績課子終身弗怠年八十卒龍泉郭維經以詩表之

謝志

劉龍至妻歐陽氏安福人龍至弱冠卒歐陽矢志上奉

舅姑下撫孤子以壽終郭維經誌其墓于岱天啟丁卯
舉於鄉博學有才名

謝志

袁以達妻蕭氏廬陵人年二十七而寡無子遺一女曰
外珠蕭嘗謂女曰吾不殉父者惟汝累耳服除母欲奪
其志夜卽投河死女亦隨之而死

謝志

劉攀妻袁氏龍泉人年十六夫亡撫遺腹子守節事姑
以孝聞歷六十餘年卒天啟閑旌

謝志

謹案明史孝義傳敍天啟閑有安

福孝婦王三重
妻謝志附錄之

朱寅奮妻劉氏吉水人劉年二十四夫亡撫孤廷相延
植年六十餘卒天啟閑旌

謝志

蕭舜日母陳氏永甯人年十九生舜日方七十日而寡
守節五十年

謝志

婁永齡妻藍氏吉水人年十八適婁一月而寡立嗣守

節崇禎閒巡按周燦具題旌表

謝志

田稅妻王氏廬陵人年十九而寡撫孤守節崇禎閒旌

謝志

楊赤鉉妻歐陽氏泰和人年二十夫亡撫孤仁愿登崇

禎甲戌進士官御史請於朝奉敕建坊年七十二卒

謝志

胡中洋女吉水人年十六未字崇禎癸未張寇陷城逃
於天嶽山遇賊欲辱之憤罵不已賊怒殺之

謝志

彭璵妻劉氏安福人年二十九而寡守節撫孤歷五十

餘年崇禎閒建坊旌表

謝志

楊氏名文姑廬陵人許字於羅未嫁而夫夭誓不再字
父母強之卽求自盡守貞五十餘年崇禎閒旌

謝志

劉吉德妻徐氏安福人年二十夫歿守節撫孤渤海中崇

禎己卯解元徐年七十卒

謝志

李士開妻歐陽氏妾宋氏吉水人士開卒宋有子在襁褓歐陽撫之相倚守節教子力學御史上其事建雙節

坊

謝志

張邦載妻尹氏永新人年二十二夫亡撫子士瓊守節三十年卒邑令管正傳祀之於譚貞烈祠舊祀八人得

節婦而九劉光震撰碑文

謝志

李命命之一作妻顏氏永新人年二十五夫亡欲殉節以有子乃止及子病卒顏一慟而絕時年三十六

謝志

王教保妻劉氏名次玉安福人教保客死父母強之改嫁潛投塘死數日屍出貌如生

謝志

劉周井妻王氏安福人年二十二周井歿無子撫女守節及歸省母欲嫁之卽返踰年母促之歸是夜哭甚哀

遂自縊

謝志

彭彥士妻劉氏安福人年十七適彭生一子彥士以貧客外疾危聞於家劉曰盍先死幸則以身代不幸亦先夫往遂自縊後彥士疾愈人以爲劉之激烈所感

謝志

劉次一作坎六妻李氏安福人年二十歸劉僅二年次六

卒李曰翁姑早世子女無傳吾惟隨夫地下耳踰月喪事稍畢遂自縊而死同邑李氏名桓珠適郁某未踰年夫歿亦自縊死

謝志

劉一五妻朱氏安福人生二子一五館於楚而卒朱年二十四親往奔喪遇土寇欲辱之朱誓死不屈以首觸

夫柩血流不止寇釋之楚人士重其義捐金助之歸葬
以養姑訓子終

謝志

王茂妻劉氏安福人事繼姑以孝聞家貧延師課子年六十而終

謝志妻複見謹案

謝志有劉雲河本朝列女今刪

朱家臣妻顏氏安福人夫亡誓死守節撫二子迄成立

歷四十年崇禎閒建坊旌表

謝志

周長清妻劉氏名珍娘永新人歸周甫七日獻寇入境家人謀避地劉以輿力護其姑而已步行爲賊所追及露刃脅之大罵曰吾頭可斷身不可辱也賊怒遂殺之

謝志

蕭衡良妻黃氏廬陵人獻賊寇吉黃與嫂某氏矢志同死及寇至攜手赴水寇憐而出之罵曰誰從汝輩偷生

竟死

謝志

歐陽欽孔妻康氏龍泉人年二十五夫亡撫兩月孤坐
臥一房足不履闌外一女奴左右將命有約以他語告
者輒唾其面而提刀以眎事姑盡孝訓其子成立年五

十五卒

鄒元標墓表

梁懋熙妻郭氏龍泉人年二十三夫亡郭拮据葬畢自

縊死崇禎閒建坊旌表

謝志

王應梗

一作機周氏安福人年十七歸王未二載而夫

歿矢志守節養姑撫孤卒年七十二巡按周燦題請旌

表

西巡政略

劉顯泰妻楊氏胡充妻曾氏廬陵人方子銓妻康氏歐

陽甫妻尹氏陳玉環妻蕭氏劉仲勉妻李氏劉仲斌妻

胡氏韋伯魚妻康氏歐陽訓妻尹氏梁敦妻楊氏胡日
舒妻歐陽氏尹氏雙節蕭氏郭氏俱泰和人先後旌表

謝志

周梧鳳妻宋氏周翔雲妻藍氏陳洪妻劉氏俱吉水人
萬厯閒旌

謝志

彭勉恢妻歐陽氏安福人恢爲郡諸生遇盜死歐陽撫
遺孤守節勉恢弟勉恪妻伍氏生男師守甫兩月恪亡
誓與姒同守事上旌表

府志

謝寶妻朱氏蕭廷英妻彭氏姚相魯妻歐陽氏俱安福
人守節旌表

謝志

李文奎妻鄧氏王徵明明徵一作妻曾氏黃萃六妻李氏李
搏妻王氏李復之妻郭氏俱吉水人殉難

謝志

劉所安妻曾氏姚宏達妻張氏劉耀旦妻羅氏王玉二
一作明玉妻容氏妾顏氏劉旋四妻張氏鍾宏妻袁氏郭謌

妻吳氏俱永豐人先後死難

謝志縣志

彭炯妻周氏王街妻湯氏王觀上妻姚氏王公敬妻孫
氏彭石郎妻王氏黃章美妻廖氏劉年玉妻馬氏彭峴

生妻劉氏王晉妻左氏鄒宗孟妻羅氏黃某妻羅氏俱

安福人先後死難

謝志謹案謝志有王祖台妻旨氏陳五典妻王氏郁鮮塵妻陳氏康景

禮妻羅氏鄧釗妻胡氏劉玉妻歐陽

氏俱重見國朝列女今刪此存彼

劉一春妻彭氏陳道妻蕭氏周岐妻郭氏彭春妻郭氏

劉欽秀妻蕭氏蕭必暄妻郭氏郭常禮妻劉氏常禮子

有詵妻劉氏楊廣藍妻蕭氏劉景達妻張氏俱萬安人

先後死寇難

謝志府志

劉石樸妻朱氏永新人死寇難

謝志

鄧金奏妻周氏郭治隆妻康氏劉尙賞妻王氏歐陽光

繡妻劉氏王才生女王斐山妻劉氏彭杜若妻王氏彭

眉祝妻劉氏彭維新妻王氏女三人婢救貞俱安福人

先後殉難

府志

謹案謝志自鄧金奏妻迄婢救貞十

三人俱入

國朝

今據府志改正又有湯堯

臣妻王氏時代無攷

周九貢妻劉氏金瑞生妻賀氏周振元妻陳氏劉守臯

妻歐陽氏唐瀋中妻劉氏汪龍文妻譚氏龍刪易妻蕭

氏左興國妻朱氏姚一鼎妻劉氏俱永新人先後死難

府志

謹案謝志自周九貢妻迄姚一鼎妻九人皆入

國朝

今據府志改正又周九貢妻與周長清妻事雖

略同疑複見今兩存之

謝仲吉妻龍氏永甯人年三十夫亡紡績課孤一日有

虎突至機前龍纖如常虎竟掉尾去了已避寇周家山
是夜虎復咆哮蓬側晨還免寇難年百有二歲以子鷙
洲成進士通判松江封安人

府志

龍之虬妻朱氏永新人之虬撫廣西督師柳州城陷死
之先是朱避山谷間伺兵追及行至絕險處奮身墜崖
而死柳人哀之收葬其遺骸於鵠耳山

忠節錄

郭惟經妻彭氏龍泉人生五子惟經援虔殉節彭聞變
哭曰以死報國恩死其所也郭氏之後惟余之責乃撫
育諸子視妾尹氏子女如己出年九十一卒

府志

朱萬爵女名素娘安福人崇禎閒遇賊以首撞石而死

府志

劉氏二女安福人長海娘次淑娘崇禎閒土寇肆掠同

厲聲罵賊被殺

府志

朱孟安妻劉氏安歿自縊劉驥妻王氏驥歿自縊並安

福人

府志

王殊會妻劉氏安福人殊會歿守節有奴訟殊會生前
事胥吏脅劉出遂自縊

府志

吳氏女名細嬌永豐人崇禎閒爲流寇掠罵賊死

府志

郭氏女名月英永豐人同母避寇山中遙聞人音誤以
爲寇墜崖死

府志

黃寅妻邱氏永豐人守節撫孤旣授室而子又亡復撫
孤孫寇至邱投孫於塘痛哭厲罵遂遇害

府志

朱精義繼妻倪氏謝高一妻吳氏夏克紹妻黎氏俱永
豐人被賊執不從遇害

府志

鍾啟明妻彭氏寇至投水死程爾靖妻朱氏寇至觸石

死俱永豐人

戶志

吳天允妻李氏郭鳳姿妻吳氏邱華聳妻吳氏吳恒鑑
妻曾氏俱永豐人夫歿殉節

府志

鄒元昌妻黃氏永豐人元昌客楚富室某詭言其夫死
求婚黃自縊死時年十九

府志

某烈婦黃氏永豐人宣德女夫病顛天願以身代遂死

府志

劉廷棟妻朱氏湯家渡官田兩室女袍破櫈視新田三
女雄虎灘一舟十婦皆永新人明末同時抗節

府志

譚小相妻董氏永新人被賊執屬罵之遇害

府志

徐佃母某氏永新人佃五世業履癸未張賊蹂邑佃於

路獲勢家明珠二歸喜告母母怒取大石對眾碎之燬
以火後賊去勢家子訟於官捕賊謀及拾遺貲者論死
惟徐以燬珠獲全

賀子激書

羅文忠妻劉氏蕭譚妻恆氏周友泮妻王氏俱泰和人
夫歿自縊死

府志

高覺妻鄒氏泰和人賊至不屈死

府志

劉中珠妻王氏安福人崇禎閒夫被寇執以身蔽夫願
代死賊傷其臂抵益堅賊怒斬殺之

府志

李省吾妻徐氏安福人寇至跳巖死婢佑秀殉之同里
彭翔妻劉氏寇至投崖死

府志

董朝紳妻袁氏永豐人夫亡家貧傭身易米飼姑未幾
流寇至婦與姑被執相持痛哭賊感而釋之

府志

歐陽愚卿妻賀氏廬陵人崇禎癸未流賊犯郡賀被執

冒刃而死

府志

程峋妾趙氏永豐人峋秉節惠潮兩州趙謂峋丈夫以身許國貴在有濟妾婦人當以死爲全受全歸會峋移師平遠降賊謀叛遮道趙聞引所袖匕首自刎詔祀貞烈立廟以祀峋有妾藍氏峋旣死難斷髮自守事嫡徐氏維謹徐以哀夫死藍亦死焉

府志

謹案府志誤入朝令改正

程仲庸妻羅氏吉水人匡湖女孫仲庸籍永豐痛父峋死嘔血卒羅亦觸石而死時年二十事聞建坊旌表額曰一門忠孝節烈

府志

國朝

黃履象妻陳氏廬陵人順治三年避寇於邑之書雲壇

爲賊所執僞爲乞哀賊釋其縛躍入深谿死

府志順治庚謹案

熙

問

廬陵殉難婦女謝志有蔣慶嬪妻蕭氏娘周氏子

劉九疇

賈智虔妻曾氏郭壯猷妻王氏郭中怡妻夏氏

姚同登妻郭氏郭鎮方妻康氏

陳曉

周氏蕭子嵩妻周氏王之賓妻康氏張如璧妻

彭應

李氏黃憲葉妾陳氏孫婦歐陽氏趙通也妻蕭氏

胡本淮繼妻王

時氏匡山公妻段氏龍元秋妻胡氏胡際晉妻蕭氏裴名

瓊書田妻袁氏戴大甯妻歐陽氏郭儀妻劉氏劉

芝氏劉樹升妻蕭氏匡頤則妻劉氏尹偉玉妻吳氏潘桂

劉氏昌東白妻劉氏曾士蘓妻劉氏曾振

氏黃暢子妻周氏梁守彝妻龍氏胡本守妻蕭氏曾振

劉氏彭發源妻陳氏晏學行妻劉氏劉文輝妻王

姑氏王之賓妻熊氏戴大德子婦鳳

祐龍元秋子婦陳氏女孫異妹

鍾靈妻項氏龍泉人順治初與夫避賊山中賊至夫婦並被執項厲聲罵賊賊殺之靈亦慟而死

順治初龍泉府志謹案

殉難婦女謝志有彭之介妻郭氏張元鋼妻彭氏郭玠

羅氏曾國奇妻康氏方湖妻李氏李賢臣妻張氏府

志有周承培妻胡氏郭盡美妻羅氏彭維岑妻謝氏郭異石妻康氏

曾美妻徐氏吉水人順治三年徐隨美避寇並爲寇執

賊將加刀於美徐曰囊有金在願以贖夫賊乃縱美使去徐度夫去遠大罵觸刃死雍正四年督學沈翼機采風廉得其事手書義烈字以表其行

初吉水殉難婦女

府志有李士約妻鄧氏李家
儀妻羅光元妻馮氏

彭遠春妻梁氏泰和人順治初年高柯兵至梁投水受

箭死

府志

謹案順治康熙間泰和殉難婦女謝志有

彭藹妻曾氏彭曰翔妻孫氏楊天挺二女石卿端卿蕭良傑女孫府志有王奇方妻李氏吳名臣妻劉氏

蕭卓如妻羅氏樂景文妻歐陽氏匡贊卿妻彭氏單芳妻王氏劉正禧妻蕭氏從女蘇英劉世芳妻曾氏劉兆先妻戴氏周洞生妻梁氏劉貞生妻鄭氏某妻郭氏康

標林妻歐陽氏蔣尚袞妻康氏周重光妻陳氏蔣日華妻劉氏劉宜璜妻蕭氏蕭炳南妻袁氏曾希聖妻宋氏

曾士虬妻郭氏孫春光妻羅氏曾興亮妻蕭氏郭萬奉妻曾氏劉宗海妻羅氏蕭繩武妻阮氏劉明珠妻袁氏

張教鑰妻戴氏陳履莊妻王氏郭年珍妻曾氏蕭世桂
妻劉氏蕭濟起妻劉氏匡廷梓妻陳氏夏侯聖萬妻胡
氏康崇徊妻甘氏劉尚鳳妻康氏曾道坤妻蕭氏劉宗
往妻羅氏關景星妻羅氏孫琛美妻蕭氏郭桃妻蕭氏
郭啟賢妻蕭氏郭萬慎妻劉氏姑某氏嫂某氏曾煥章
妻蕭氏曾餘成妻張氏郭某女俊秀蕭某女大妹劉某
姑蕭不器女貞冰

李邦美妻賴氏吉水人邦美邦華之弟以順治三年五月死賴撫屍慟哭遂同死詩人吳雲爲長歌紀其事志
李士延妻許氏吉水人煌女士延邦華從子邦華殉國
士延毀家從軍順治乙酉死吉安城下許奉舅姑挈幼
子脫難椎髻布衣卒全門戶年八十一卒

府志

王磐千妻顏氏安福人任寶女順治丙戌遇賊執臂索
賄顏大咤曰此手乃爲賊執邪投水死磐千感其節終
身不娶

府志

謹案順治康熙間安福殉難婦女

府志

孟宗

妻羅氏彭崑生妻

劉氏黃霸孫妻

劉志

有鄒宗

妻羅氏彭崑生妻

劉氏黃霸孫妻

氏名慈玉易賓臣妻劉氏伍希林妻歐陽氏劉奇寶
妻趙氏王某某女喜娘王某女芷娘歐陽惟美女蓼王

曾尊儒妻彭氏萬安人順治間兵亂棄所乳子取懷中
佩刀自刎死府志謹案順治康熙間萬安殉難婦女
婦龔氏郭氏蕭珩妻張氏蕭穀方妻張氏蕭法先妻
張氏郭明徵女孫奇莊張之卓文蕭文達妻嚴氏

曾氏名冬姬廬陵人許字曠廣仁順治辛卯父朝自遇
賊見執冬姬年十七冒刃衛父而死府

龍友驥妻譚氏永甯人順治壬辰寇亂被執罵賊死府
謹案順治閒永甯殉難婦

文府志有尹行素妻謝氏

王祇台妻曾氏安福人順治壬辰楚寇入境曾爲賊執
大罵死同邑陳五典妻王氏順治閒遇賊大罵死郁鮮
塵妻陳氏順治閒遇賊死錠子塘鄧釗妻胡氏順治丙
戌遇寇大罵死劉玉妻歐陽氏順治丙戌遇賊剗腹而

治妻謹案安福殉夫婦女府志有歐陽法士妻周氏李離
賀氏昭迪劉氏劉用昭妻張氏歐陽德松妻劉氏朱煥章妻
易妻朱文秀妻陳氏蕭省登妻王氏蕭慶雲妻劉氏
陽學溪妻彭氏伍時慶妻王氏廖玩占妻王氏劉典垂妻
賀氏鄧桂妻蔡氏李張氏王作楫妻劉麟妻項氏劉善積妻
張氏桂王堂樹妻彭氏劉紳妻伍氏王作楫妻劉麟妻項氏
長庚聘妻蔡氏李張氏王作楫妻劉麟妻項氏劉善積妻
珠嘉珍妻劉氏郁之麟妻阮氏劉耀祖聘妻陳氏吳駿烈妻
歐陽茂先妻曾賢姑趙前古聘妻大妻劉掌姑劉魁梅聘妻
桂妻周鍾姑趙前古聘妻大妻劉掌姑劉魁梅聘妻
珠先妻胡倚娘蕭昭賢妻周氏段林
王沁臣妻孫氏泰和人年十九歸王一年夫死自縊以
殉匡府志謹案泰和殉夫婦女府志有魏文煥妻溫氏
氏先妻蕭祐妻曾氏黃元葵妻鍾氏蕭仲歡妻劉氏袁尊
墮蕭氏明瑤妻劉子餘妻康氏甘克父妻康氏匡廷柱妾康
氏梁作昂妻蕭氏宋咸柳妻蕭氏李煥彩妻周氏王禮
守良妻韋宗熙妻袁氏蕭學銘妻孫氏蔣士籍妻周氏
蕭氏增妻郭氏孫志鑫妻劉氏劉紹淦妻謝氏尹邦梓
良妻匡氏周溢妻劉氏陳世學妻王氏周作效

三吉安府

妻李氏鍾大淮妻孫氏劉聖棟妻王氏劉細松妻蕭氏
妻劉氏鍾承楷妻司馬氏劉德和妻蕭氏蕭熾則妻歐氏
陽氏劉宗節妻孫氏蕭平洲妻胡氏蕭鼎和妻郭氏朱氏
絅妻王氏戴後遠妻曾氏劉家材妻曾氏劉宗念妻郭氏
氏蕭必祿聘妻康氏蕭君玉聘妻鍾氏亥瑛康其周聘妻陳氏
妻陳氏玉瑛胡某妻張氏蕭積憲妻童氏彭如琳妻羅氏
氏胡君瑾聘妻劉氏彭觀宸妻王氏司馬天淇妻歐陽氏
氏

彭之琮妻郭氏龍泉人年十七歸彭越五年之琮卒郭
年二十一守節撫子惟煥惟輝凡所習學皆自爲訓後
俱補弟子員卒年七十四康熙二十一年旌志

謝帝選妻李氏名錦娘永甯人康熙丁巳冬死賊難謝
志

謹案謝帝選妻事實與府志大異府志
云幾斃於刀越月不染而愈附載備攷

黃麟徵妻劉氏吉水人同升女一作安麟徵卒誓死守
節嘗爲生塋於夫墓之旁以見志康熙三十五年旌志

載謹案謝志明代國朝兩
黃麟徵妻今刪彼存比

李士齊妻鄧氏吉水人士齊爲邦華子歿於明天啟丁卯

鄧撫孤守節歷四十年康熙三十五年旌

謝志

易啟河妻吳氏廬陵人年二十九啟河卒吳誓死守節

康熙閒旌

謝志

王嘉楨妻李氏吉水人士齊女也王籍安福年二十一

卒李撫子鏞守節事舅姑孝謹康熙三十八年旌

謝志

鄒膺敬妻伍氏字毓貞廬陵人性敏慧通詩書年二十
一夫亡撫孤崑守節事舅姑以孝聞康熙閒建坊旌表

謝志

解心翼妻張氏名元鈎永豐人年二十五夫卒誓節辛勤中夜紡績恐暭舅姑輒水其軸令無聲姑先失明旌

得廢疾侍湯藥惟謹二十六年如一日訓二子俱成名

以次子以敬貴贈安人康熙三十八年旌儀封張伯行表其墓南城梅之珩爲之傳

謝志
府志

謝上譽妻康氏永甯人年二十五夫亡矢節教子能文康熙四十三年以貞恪守節旌

謝志

東鄉女子龍泉人不詳其姓氏康熙戊子山寇掠境女急投河賊繞河追之牽女欲上女因勢擊賊下女沈賊亦死數日女尸出怒容如牽賊時

府志

劉志道妻王氏安福人年二十三夫亡誓死守節歷數

十年不懈康熙五十四年建坊旌表

謝志
謹案府志
有劉湧修妻彭氏

劉氏雙節
天亡守志稱

王體仁妻彭氏安福人年二十四夫亡哭泣幾至喪明

家貧紡績自給撫一歲孤成立年五十餘卒康熙五十

四年建坊旌表

謝志

徐文遠妻龍氏吉水人見凌於強暴不屈被毆死事自

被旌

謝志

鄧氏名標秀南康人鄧子

一作紫

御女萬安許將愈聘之

年十八未歸將愈卒女聞訃號泣登樓自縊死康熙五

十六年旌

謝志謹案

鄧氏謝志於南安府複傳今刪彼存此

劉夢祖妻黃氏安福人年十九矢志守節同邑郁展其

妻劉氏劉高梧妻王氏俱苦志守節康熙六十年旌

謝志

康待一作行儒妻郭氏龍泉人年二十矢節厯四十八年

康熙六十年旌

謝志

郭玉達妻陳氏萬安人年二十一守志凡四十六年雍

正二年旌

謝志

邱魯鳳妻羅氏廬陵人年二十七夫亡以姑老子幼誓
守同邑裴一銓妻盧氏年二十三夫歿生遺腹子家貧
紡績以養舅姑劉天柱妻彭氏天柱游楚歿竭力歸喪
劉士錦妻郭氏夫亡年十九邱象昊妻習氏羅世鼎妻
戴氏李師靖妻彭氏黃惟宏妻歐陽氏譚恩妻彭氏戴
廷傳妻王氏李良驗妻王氏劉相銓妻婁氏胡衛臣妻
曠氏俱年二十餘守節各歷數十年雍正閒旌

謝志

黃裔大妻曾氏永豐人年二十歸黃不數月夫卒守節
三十三年雍正四年旌

謝志

蕭大成妻周氏吉水人年十九而寡撫兩月孤守節同
邑鄧秀妻王氏年二十夫亡撫子子歿率子婦黃氏撫

孫辛苦艱難凡歷四十年俱雍正四年旌

謝志府志

劉禹三妻康氏泰和人年十八夫亡舅姑老且病康備

極敬養撫遺孤至於成立同邑尹隆生妻蕭氏劉嶠妻

彭氏蕭崇桂妻曾氏俱年二十餘守節雍正四年旌

謝志府志

志府

龍起範妻李氏永新人年十九夫歿外家勸之他適李

怒以沸湯破面嚼指滴血誓無他志姑病值歲荒李拮

据藥餌日不食者再姑卒竭力喪葬守節三十三年雍

正四年旌

府志

歐陽振孚妻王氏安福人年十八振孚客死楚南王典
衣被爲迎柩資歸葬如禮家貧紡績養姑訓子年八十
七卒雍正四年旌

謝志

王宏謙妻劉氏劉斐泉妻王氏王天因妻劉氏文德宏

妻劉氏周瀚

瀚府志作生

妻顏氏劉梁妻王氏顏令圭妻謝

氏俱安福人年少矢節各歷數十年竝雍正四年旌

謝志

張之珽妻郭氏梁嘉作妻王氏張士鶴妻陳氏俱龍泉

人矢志守節各歷三十餘年俱雍正四年旌

謝志

劉國琦妻丁氏安福人年十六國琦商於滇客死丁百

計歸其骨奉八十翁備極孝養守節四十二年雍正四

年旌

謝志

劉匡勳妻陳氏龍雲登妻左氏陳蟾枝妻耿氏龍協萬

妻江氏湯籌妻賀氏龍永慶妻譚氏賀奏勳妻劉氏俱

永新人年少守節雍正四年旌

謝志

劉配光妻王氏安福人年十九夫歿撫遺腹子成立苦

節至七十一二歲卒雍正四年旌

謝志

胡智天

一作天智

妻王氏廬陵人年十八夫歿無子值兵燹

依叔母守節同邑曾于天妻李氏李秉乾妻劉氏羅雲

妻彭氏劉國祐妻蕭氏何宏昊妻傅氏李二玉妻曾氏

游一品妻李氏丁良祥

一作相

妻鄭氏俱年二十餘撫孤

守節雍正閒旌

謝志

艾國俊妻戴氏吉水人年二十一守志凡五十七年卒

劉斌妻吳氏王澍妻劉氏劉體元妻周氏萬和妻周氏

劉振墀妻朱氏萬一本妻蕭氏俱安福人矢節各數十

年張善楫妻吳氏萬安人年二十二守志凡三十九年

周景韓妻蕭

一作王

氏龍泉人守節歷四十餘年皆雍正

五年旌

謝志

羅欽堯妻李氏廬陵人年二十一欽堯卒矢志守節前
妻女敬姑適李而婿夭慕母行歸共守節丙戌兵入境
未及逼李卽赴水死雍正五年旌

謝志

李向榮妻張氏廬陵人順治丙戌兵入境露刃督之張
不從遇害雍正五年旌

謝志

賀錦旗一作興妻高氏廬陵人年二十四夫歿無子姑且
老贍家遭火高負逃得免撫從子守志歷四十四年雍
正六年旌

謝志

樊紹聖妻賀氏永新人順治初隨夫避地遇賊被執欲
污之賀曰放吾夫便從汝賊釋紹聖露刃脅之賀大罵
見殺雍正六年旌

謝志

張元鉏妻彭氏龍泉人順治閒山寇劫掠彭抱子從夫

匿陽關渡口賊勢迫彭語元鉢曰家世清白不可受污
以子遺夫自投水死越四日元鉢得其屍於曲水隈色
如生雍正六年旌

謝志

尹銑一作誠妻劉氏泰和人年二十二夫亡矢節雍正六

年旌

謝志

劉文魁妻戴氏廬陵人年十八而寡遺腹子尋殮誓不
他適引刀割肉以明志同邑羅中峯妻晏氏周德讓妻
劉氏范肇文妻劉氏劉文縱妻孫氏俱守節歷三四十
年雍正七年旌

謝志

謝伍生妻黃氏謝惠邦妻周氏俱吉水人夫亡守志各
四十餘年雍正七年旌

謝志

王愈融妻劉氏泰和人年二十四夫歿事翁撫孤翁病

足躡不戒於火劉冒烈燄救之雍正七年旌子元坦早

卒婦朱氏守節如姑孫婦袁氏亦少寡矢志

謝志府志

劉虞裔妻王氏安福人夫亡撫孤矢志凡五十一年雍

正七年旌

謝志

解以正一作貞妻姚氏名儀一永豐人年二十八夫亡撫

孤子友松成名守節三十二年同邑聶其智妻陳氏年
二十七守節孝奉繼姑撫二子成立俱雍正七年建坊

旌表

謝志

彭隆祖聘妻謝氏名活姑安福人性貞靜九歲時母病
嘗藥及母卒哀痛擗踊水漿不入口者三日年十五未
嫁而隆祖歿聞訃不欲生夜乘家人不及覺自縊死雍

正八年旌

謝志

龍時乘妻歐陽氏汪燦仁妻蔡氏蕭汝哲妻郭氏段靄

四一作士妻楊氏俱廬陵人矢志守節雍正八年旌謝志

黃長發妻李氏吉水人邦華曾孫女年十九而寡所親
微露以地適意李怒斥曰我生忠臣門當爲守節婦奈
何出此敗倫語也紡績訓子矢志不二同邑郭其沆妻
蕭氏年二十守節俱雍正八年旌謝志

蕭從沛妻王氏泰和人進士愈擴女年二十夫亡無子
撫從子守節凡四十一年雍正八年旌謝志

段學半妻周氏吉水人段籍廬陵周年二十二歸段二
年夫歿矢節歷三十三年雍正八年旌一作謝志

胡任宏妻劉氏安福人年二十七而寡矢節凡四十五
年雍正八年旌謝志

蕭公璵一作蕭璵妻劉氏廬陵人年二十四夫亡守節事舅姑孝撫猶子續夫祀年八十五卒同邑蕭華國妻蔣氏守節撫孤孝養舅姑俱雍正九年旌謝志

胡文獻妻邱氏廬陵人年二十五夫亡事舅姑以孝聞撫孤績祀苦節三十六年同邑蕭肖虎妻李氏撫孤矢節三十四年錢泰逢一作泰妻王氏吉水人年十九夫亡撫四月孤成立苦節四十六年卒年六十有五周應選

妻曾氏泰和人年二十三夫亡撫孤晉節四十年歐陽泰妻劉氏泰和人撫孤守節周憇覺妻王氏安福人夫亡奉姑撫子苦節三十餘年朱鵬年妻錢氏永豐人年二十二夫亡適身娠迨產得女痛不欲生姑力勸乃止食貧茹苦守節三十三年皆雍正九年旌謝志

陳禘嘗妻解氏永豐人舉人以敬女性貞靜事父母極孝年十七歸禘嘗舅姑早歿解奉遺容每食必薦八載夫病禱天願以身代比卒哀毀不欲生時祖母張以節孝旌以是相慰勉解矢貞苦節數十年夫有幼妹撫之同所生教二子俱成立雍正九年旌謝志

劉懷亭妻甘氏安福人年二十三夫亡撫遺腹子守節家極貧糜粥養姑而自歛水漿或終日枵腹姑病篤禱於神誓以身代姑歿哀痛拮据喪葬如禮坐臥一小樓日夜紡績撫孤子成立年八十卒謝志

尹朝任妻劉氏永新人年二十一適朝任甫兩月而朝任卒哀毀骨立經營喪葬持服四十九日投繯以殉謝志

趙登鼈妻周氏吉水人登鼈疾亟周觸牀而泣折二齒

夫亡守節以終乾隆九年旌_府志

鍾金祿妻江氏吉水人年二十四夫亡舅姑未葬江馨所有治葬事如禮富室某覬其地侵及兆域江度不能爭曰攜二孤泣墓所知縣楊敘廉其事繩富人以法使還侵地乾隆十一年旌_府志

李石芹妻劉氏安福人石芹貧且病慮子幼劉囑指爲誓夫卒守節撫孤乾隆十一年旌子階平娶婦劉氏階平游於楚卒時劉年二十三歸夫櫬守節撫孤如其姑乾隆十三年旌_府志

謝天申妻龍氏永甯人年二十六夫亡與妾張氏守節撫孤值明鼎革流離困苦不易其志教其孫成諸生年九十卒乾隆十二年旌_府志

彭鍾惠妻龔氏吉水人夫亡事姑撫子雅有清操夫弟
有遺孤育之如己子人尤賢之歲大水廬舍多沒彭屋
旁有大樹扶姑暨從子與子相次梯上厯兩晝夜龔所
棲枝折兒墮水中龔急拯之亦入於水力弱竝不得上
方危甚若有助之升者水退獲免彭氏歲時祀其樹乾

隆十四年旌

府志

劉興相妻曾氏吉水人夫亡勵節族有寡者必語以大
義時周其窮之引爲同志之助乾隆十四年旌

府志

陳善文妻蕭氏泰和人夫亡家貧悉賣簪貝營葬織作
膳姑撫二子天相聖佐有成乾隆十六年旌

府志

趙爾基妻曾氏吉水人守節四十餘年爾圭妻蕭氏生
子五月而寡守節三十一年爾堅妻曾氏與爾基妻爲

女兄弟守節三十五年爾堂妻郭氏歸堂六年而堂亡
相與勵志事姑乾隆十七年旌同族爾臺妻龍氏亦早
寡守節四十年有司復以一門五節表其閭

府志

朱攀以妻周氏安福人幼嫻吟咏年十九夫亡凜然清
操世傳其夢夫一絕月冷梅山照夜臺妾身未死已心
灰十年地下無消息愁絕西風刮耳來乾隆二十七年

旌

府志

廖鼈妻胡氏吉水人夫亡無子以從子後姑老繼亡胡
哀瘁而病屏湯藥不進遺言以縗素殮乾隆三十七年

旌

府志

彭嘉德妻郭氏龍泉人里有無賴子搆蜚語郭憤自縊
事得白乾隆四十年旌同邑康某女名春潔年十六未

字遭謗自縊乾隆五十三年旌

府志

鄒兆元妻高氏龍泉人繼姑謝氏長高僅一歲高事之
維謹野有虎入室近謝高急以身蔽拍案呵之虎掉尾
去人以爲孝感

府志

劉世珍妻蕭氏廬陵人夫亡登樓自縊

府志

謹案廬

志有郭是子妻羅氏胡攀桂妻彭氏黃作相妻歐陽氏
妻彭如垣妻姚氏曾思誠妻劉氏周居岐妻李氏胡凡九
妻劉氏夏本仁妻郭氏曾占元妻劉氏曹阜祥妻郭氏
郭家善妻胡氏劉景鸞妻高氏王學禹妻裴氏湯淋妻
顏氏侯孔錡妻王氏李崇義妻凌氏伍教五妻羅氏吳
照讓妻彭氏周國謾妻梁氏劉德奎妻童氏劉鵠年妻
蕭氏楊廷珍妻王氏蕭來杜妻羅氏胡良貴妻蕭氏楊
嘉光妻王氏楊敘卿妻朱氏陳簡余妻李氏劉煥章妾
姚氏蕭錫三妻劉氏朱定昌妻胡氏葉永發妻萬氏李
儒環妻張氏蕭捷元妻楊氏李龍升妻謝氏歐陽特圖
妻朱氏李清持妻歐陽氏黃作杭妻王氏蕭昌材妻劉
氏李貞言妻丁氏劉廷弼妻陳氏彭拔求妻周氏歐陽
勁妻羅氏匡仰止妻王氏劉祿凡妻蕭氏周家琦妻歐
氏梁鳳三妻段氏劉芳述妻胡氏賴俊傑妻汪氏劉錫劉

善妻王氏李溥妻王氏羅首達妻李氏歐陽宜重聘妻蕭氏吳芝桂聘妻連氏歐陽峩聘妻劉氏許有祥聘妻晏氏足英彭祚邦聘妻郭氏湯藻年聘妻羅氏淑姬劉國貢聘妻李氏黃英顏仲環聘妻李氏度蓮周道洋聘妻黃氏新妹胡宗驥聘妻張氏美姑康麟書聘妻曾氏蘇妹胡振星聘妻王氏羅香祖妻蕭氏蓮姑彭冠南妻蕭氏蕭商賢妻溫氏

張熙之妻劉氏泰和人孝事病姑亡夫亦隨卒劉年二十四斷指誓守年八十六卒同邑彭殷侯妻龍氏王文伏妻胡氏竝守節斷髮爲誓蔣冠祿妻胡氏夫亡毀容斷髮

府志

彭長萬妻李氏廬陵人僑居吉水年十八歸彭二年長萬死李解帶自經去長萬死六日先是長萬初殮李憑棺而哭誓與同穴至是家人將移李棺以附祖塋既發引數十人挽之不前羣相歎異營冢爲之合葬

府志

水殉夫婦女府志有曾佐文妻蕭氏徐師旛妻劉氏張裕選妻劉氏曾世模妻羅氏周捷登妻廖氏歐陽貞元妻周氏羅先懷妻劉氏杜鵑蘭妻賴氏宋守行妻周氏蕭漢鑑妻潘氏周必熙妻歐陽氏歐陽煥標妻羅氏羅享儀妻段氏李初蘭妻周氏彭斐章妻郭氏王吉貞妻景堯聘妻葉氏朱修安妻李氏王超宗妻張氏朱榮聘妻李氏五妹蕭光遠聘妻龍氏盧陵彭某聘妻郭氏緣珠劉某聘妻周氏長姑陳遇寶聘妻周氏璇嬪胡之懋聘妻龐氏蕭鳳章聘妻許氏

鍾元卿妻某氏永豐人年二十餘夫亡有假周卹示意

者覺之自縊死

府志謹案永豐殉夫婦女府志有鍾香五妻羅氏郭光治妻文氏鍾添培妻

陳氏陳禮涌妻喻氏帥偉人妻湯氏蕭奉魁妻孫氏徐秉煊妻姚氏李世瑛妻羅氏毛耀兩妻帥氏黃德旺妻郭氏謝名文妻吳氏謝綿武妻甯氏曾德修妻陳氏劉紹妾張氏程敬明妻吳氏吳長禮妻賴氏李凌雲妻吳氏袁曰清妻李氏李君詳妻譚氏宋恩定妻周氏彭宗清妻劉氏鍾觀侯妻張氏徐福齡妻帥氏袁士標妻陳氏朱道才妻傅氏徐承烈妻周氏劉鳳翔妻陳氏鍾筭妻曾氏蕭喬棟聘妻劉氏懿靜鄧端甫聘妻戴氏吳新年聘妻盧氏春英吳仁貴聘妻王氏湯肇琦妻鄧氏聘妻周氏張惟文妻甯氏吳如圭妻鄧氏

李敬綱妻宋氏龍泉人年十九夫亡葬夫訖事歸途自

躍於江家人援之不死歸而自縊

府志

謹案龍泉殉夫婦女

浩妻郭氏邱贊碧妻劉氏古大賓妻巫氏葉華莊妻蕭氏魏鏞妻黃氏康一墉妻劉氏郭敬然妻朱氏羅林萬

妻

妻

妻

妻黃氏李敬簡聘妻梁氏潘龍寶聘妻邱氏昭秀彭選元妻郭氏

馮序典妻劉氏蓮花廳人年十八夫病焚香禱天請以

身代夫亡視舍殮畢遂以身殉

府志

謹案蓮花廳殉夫婦女

賀氏劉億

府志

謹案蓮花廳殉夫婦女

趙明珠聘妻王氏蓮花廳人善則女年十四未婚明珠

亡臨喪而哭囁齒守節織紝以奉舅姑年八十四卒

府志

劉龍霄女名成姑蓮花廳人早歲失父兩兄繼歿女長

篤志不嫁以紡績奉母甘旨爲兄子營束修供讀鄉黨

賢之同邑顏漢惠女名光姑父母俱亡不嫁以撫幼弟

卒保宗支賀步雲女名賢姑父亡弟幼母患心疾終身不字事母撫弟卒年七十有二

府志

劉肇興妻謝氏萬安人年二十夫亡無子夫父兩族議爲改字謝聞自縊死

府志

謹案萬安殉夫婦

女府志有張添琳妻王氏

吳錦泰妻郭氏廬陵人錦泰常客於皖舅姑病廢郭藉女紅營膳八年而舅姑皆歿錦泰猶未歸郭營葬祭不

缺鄉里賢之

縣志

曾永圻妻胡氏廬陵人夫亡姑瞽節孝竝立居恒食淡不與吉禮年九十一卒

府

李靄瑞妻劉氏廬陵人夫亡鬻衣營葬自縊以殉葬劉之日天雨不止獨窆劉地十餘丈閒密雲不雨觀者駭

歎

府志

劉詠妻歐陽氏廬陵人善事舅姑能得歡心姑病疽劉
吮其毒以是致疾而卒

府志

袁以達女名外珠廬陵人年十二父亡母某氏投江中
殉外珠援母不及竝溺於江同里楊榮鍾女適劉昌蘊
方歸窓父母母以灌園誤溺於水楊入水援母出力竭
而卒

府志

蕭樹滋妻劉氏妾康氏泰和人樹滋以溺死求其屍不
獲獲其辮髮劉翦已髮合綰以殮復斷指誓節康視葬
畢自經死

府志

胡玉宇妻蕭氏泰和人玉宇行賈於蜀蕭事舅姑謹人
稱爲孝蜀人有與玉宇同姓名者死訛傳達於蕭氏乃
自經以殉

府志

龍禹拜女名貞吉泰和人幼喪母禹拜商於蜀禹拜之母以女孫字某禹拜在蜀又以女字入女聞潛投塘水死同族慎修女名桂德幼字蕭清漣天母周氏復以字其姪桂德亦投塘水死人謂之龍氏雙烈

府志謹案
秦和蕭氏婢于主人使候親串爲樵者所逼堅不從受刃而死知縣存

於此
械廉得其事親往祭之顏其門曰流芳百世附錄於

張發珍妻羅氏吉水人夫亡哀慟手自植柏墓上以寓志撫二孤備極勤苦

府志

朱士鑑妻胡氏吉水人夫亡事舅撫孤舅爲析產胡盡以讓夫弟俾致婚娶紡績終身年八十四卒

府志

湯添五妻夫死兵亂翦髮誓節程維行妻陳氏年二十

夫亡斷髮自矢劉就七妻張氏夫亡封髮不櫛夏孚言
妻袁氏夫病危斷指誓節夫亡卓有清操

府志

劉元綱妻李氏永豐人年二十六夫亡守節尤善事姑
鄰里災冒煙火扶姑出姑又病疫昕夕侍奉無所怯避
亦不傳染年七十八卒

府志

陳圖妻解氏永豐人年二十四夫亡守節撫二子翰屏
翰英皆長娶婦二子亦相繼死孤孫又殤翰屏妻解氏
自縊翰英妻蕭氏引刀自戕以殉人稱雙烈婦解痛陳
氏中絕復立繼孫貧老孤苦恒不自恤年五十九卒

府志

袁吉林妻陳氏永豐人爲強暴所侵義不受辱自經死
同邑聶曾照妻朱氏遭惡少戲於途憤怒赴井死皆得

旌

府志

張氏達懷妹永豐人幼適熊文杰文杰故無賴逼張他
適張仰藥死知縣陳天爵具文請旌禮部議曰婦節烈
可嘉而於熊某恩義已絕給銀母家建坊同邑宋和生
女歸徐某徐乏食強宋嫁不從投井死越三日顏如生

府志

蔡昌隆妻鄧氏永豐人夫亡遺一子育之子九歲殤鄧
痛夫祀遂斬自經死同里蕭有興妻張氏方有娠夫病
且革屬毋輕生冀生子延宗祀張泣謂卽不同穴當不
久生夫亡逾月產男猶有姑在事育竝給厯八年姑亡
以夫臨訣舊約託孤族長老自經死府志

鄧迪妻王氏安福人夫亡撫兩孤飢寒萬狀終不改節
年八十九卒

府志

尹通妻萬氏尹了明妻萬氏安福人女兄弟也通娶三月客滇中了明亦游學金陵相繼旅死無後尹氏寥落僅一從孫曰迪臣兩婦各堅志節撫之成立後遂繁衍

縣志

劉儀妻彭氏安福人夫亡無子守節所佩釵鍤皆鏽專心忍耐堅志持守八字同族尚錦妻朱氏世煦妻王氏竝以夫亡矢志稱劉氏三節

縣志

王嵒訥妾劉氏安福人嵒訥年六十子亡無後劉年十七爲婢嵒訥納之適室生子柱廷四年嵒訥死劉守節撫孤年七十二卒時曾孫已娶婦

縣志

謝理繼妻王氏廬陵人進士上選女理籍安福王年十八歸理理已病亟王至屏妝飾侍湯藥理卒撫前室子

女並有恩禮乾隆元年旌

府志

彭永鳳妻李氏安福人夫亡斷指矢節撫孤同邑李詠

桃妻王氏彭章憲妻顏氏竝斷指鄒孔忠妻鄧氏斷髮

毀容嚴學奇妻劉氏劉丹扶聘妻歐陽氏竝斷髮康燕

鶴聘妻劉氏名瑣珠夫亡毀容

府志

郁漸達妻劉氏安福人年十七歸達六月夫亡自刎不

殊治葬畢迹不逾閩

府志

劉規孫妻吳氏安福人舅昆緝嘉定知縣歿於官囊橐

蕭然吳傾奩具助規孫扶喪歸規孫以痛父卒吳年二

十五節操備著姒郭氏覺孫妻亦早寡守志進士高培

爲著雙節記

府志

劉雲鵬妻康氏安福人年二十四夫亡長子與女竝夭

撫次子成立已受室乃嘵然曰我可報夫予於地下矣遂不食死年四十九

府志

康陵昌妻萬氏安福人年二十四夫亡投繯不死家貧姑老終無異志陵昌從兄引昌感其節卹田租入石粗糲自存供姑不缺姑歿哀毀致疾知縣張崇樸爲著苦

節記

府志

劉奇質妻王氏安福人年二十四夫亡自縊者再不死勤苦守節撫從子紹爲嗣後官祈陽知縣

府志

郭學孟妻曾氏安福人年二十五而寡敗屋將傾墜瓦損面曾急負姑出復入攜子牆忽頽與子並殞

府志

趙榕女名敬嬪安福人母亡父義不娶遺小弱弟燕成女誓不嫁奉父撫弟燕成卒成進士同邑顏威女名梧

姬親老弟幼家徒壁立以紡績自給至老不嫁親亡喪葬皆出女力

府志

張四姑光杰女安福人許字於姚夫亡父母祕不以聞密議他字四姑潛覺處閨中自絕食飲數日議遂寢事親撫弟完貞以終

府志

周繼輝妻彭氏龍泉人夫亡守節躬灌園圃翦蔬易穀以養其姑教子壠成進士壠嘗客莊親王邸王訖母德爲書苦節成孤字衰之壠歷宰虞城諸邑能恤民隱皆出彭氏之教年八十四卒

府志

劉顯謨妻李氏龍泉人孝豐典史政榮女夫亡姑謝哭子而瞽手足竝瘻李躬自背負出入必偕者十有三年

縣志

張洪望妻劉氏萬安人年二十二夫亡子幼胥人利其遺產百方倡改適劉馨所遺分給族黨自毀其容與老

婢共操作卒保清操撫孤成立年五十餘卒

府志
縣志

彭公御妻賴氏萬安人年二十三而寡甘貧守節養姑撫孤孝慈具備兄諸生貞傳哀其志割田恤之宗人亦

以祭祀餘贏歲給布粟終其身卒年八十

府志
縣志

劉洪緒妻王氏直隸通州人阜口巡檢雲鵬女劉籍萬安王年十七歸劉十九夫亡剪髮納棺誓節撫孤孤殤立繼子卒延宗祀

府志
縣志

羅賓冕妻賴氏萬安人年二十一夫亡餽粥三年撫孤成立

府志
縣志

蕭忠瑗妻劉氏萬安人始歸忠瑗病篤入夜而卒劉慟

幾絕立從子爲嗣事姑稱孝姑歿屏居小樓不與人見

年八十卒

府志

劉玉鑑妻朱氏永新人年二十五夫亡無子髡首矢節
年七十卒同邑龍晟妻劉氏夫亡亦斷髮自守張維諒
妻李氏史直卿妻張氏左章五妻陳氏吳秀林妻周氏
夫亡斷指以示不貳左堂繼妻劉氏夫亡以頭搶地濺
血及棺遺孤三歲撫之成立尹朝珽妻劉氏夫亡自毀
其容茹苦以老

府志

賀漢卓妻劉氏永新人年二十一夫亡毀容斷指撫孤
事姑家有枯柏復生人以爲誠感

府志

劉雲崖妻龍氏永新人年二十二夫亡事舅姑孝謹以
恩勤撫二子進退皆中禮一夕恍忽鬼睨其側龍正容

曰吾心誓質天地何懼遂隱不見

府志

龍西彰妻周氏永新人年二十四而寡舅姑繼卒殮葬竝出經度哀苦艱難不以廢禮撫二子皆成立卒年七

十五

府志

盛彝則妻吳氏永新人彝則以輸運見累隸竝拘吳中途借宿於民舍張姓張婦故私營弁弁因張覬吳挾刃脅之不可遂見殺知縣陳野修白其事

府志

楊枝芳妻葛氏永新人兩家先後官成都叅將因締姻好葛年十六歸楊有子文燮而枝芳從征滇南道死於黔葛萬里扶柩攜孤以歸撫文燮成諸生文燮旋卒葛自悼辛苦無成仰天浩歎不食而死

府志

賀近仁妻劉氏永新人年二十三而寡有子一人以浣

緝營食養姑與夫幼弟姑叔繼亡子又卒引帶自經

府志謹

龍彌六妻左氏永新人夫亡子夭投繯以殉

府志案永新殉

夫婦女府志有劉美章妻賀氏劉承吉妻朱氏湯旭言妻王氏段友俊妻戚氏吳璞山妻陳氏朱朝英妻段氏

朱欽望妻劉氏劉貽麥妻龍氏金敬迪妻段氏宋國五妻甘氏龍廷傑妻尹氏賀君存妻劉氏李敬悠妻羅氏

李光昌妻羅氏蕭起繡聘妻周氏吳履貞聘妻左氏譚香齋聘妻段氏祥娘張崇信聘妻汪氏細姬蕭裕聘妻

李氏夏英賀勝大妻蕭氏

湯招賢女孫名葉嬪永新人字某家某爲匪類葉嬪恥

玷門戶乘夜自經死面如生

府志

譚廷錦妻段氏永新人姑病築天請代姑愈廷錦死段方有娠踰月生子而殤乃賦絕命詞自縊御史譚鍾麟爲之傳

龍有珠妻賀氏名桂永新人父官於滁積書甚富桂幼

志

嗜讀多通理解洎歸有珠從任攸縣知縣有珠還鄉里

偕隱龍谿築樓以居署曰竹隱有集曰竹隱詩草

府志

陳舜光妻邱氏吉水人夫出獨居山麓強暴侵之閉門力拒引刀自刺死嘉慶六年旌同里廖宰墀妻趙氏夫

出狂童乘閒入室趙斥而去之夫歸語之故憤猶不釋

卒自經死

府志

高汝瑚聘妻龐氏吉水人及笄汝瑚亡女哀麻奔喪剪髮毀容嘉慶二十四年旌

府志

陳宗典妻謝氏永甯人夫亡子幼昕夕哭墓所歷三年以子授夫弟值清明展墓以頭搶地而哭洒淚成血七

日不食死道光十三年旌

府志

曾洪聲妻張氏永豐人年十八夫亡無子以從子嗣子

祖培妻朱氏女孫竹姑松姑陳炳文妻鄧氏
氏攀桂妻夏繩武妻尹氏李善惠妻王氏
哲妻劉氏女英嫗李作星妻王氏王道佐妻
香妻周氏李維揚妻羅氏李見寶妻閩氏李克復
氏李有章妻宋氏李本仁妻羅氏李祥燃妻宋氏
榜妻劉氏子婦郭氏李美輝妻張氏李悅來妻周氏
朱氏李恩明妻王氏李貴和妻易氏李祿膺妻羅氏
遇璜妻蔡氏李碧櫻妻段氏李磐漸妻劉氏
徐氏張舒泰妻鄧氏羅載庸妻趙宜綰妻彭氏
疏海妻蕭氏徐上坪妻周氏劉茂青妻羅氏
劉氏阮晃炳妻趙氏歐陽錫位妻李氏陳才宣妻
盧禮枝妻蕭氏廖騫妻鄭氏黃某女香姑郭二娘
姑袁貞妹王俊才女高妹郭明海妻李氏陳才宣妻
照女大姑細姑羅秀階女郭春姑郭二娘
王範九妻李氏安福人夫亡守節咸豐閒遇賊自沈於
水府志有謹案安福婦女殉粵賊之難者

呂承禋妻王氏龍泉人夫亡守節道光十六年旌咸

水府志有

彭旂采妻姚氏王純一妻彭氏

豐七年粵賊入境官軍敗衄王慨然曰吾年已七十孀

守者五十年可以死矣肯逃賊乎賊至罵詈不絕遂被

害

府志謹案龍泉婦女殉粵賊之難者府志有羅邦彥妻胡氏郭金信妻廖氏龍立伊妾徐氏子婦羅氏

龍某妻陳氏王秉宗妻尹氏高世禪妻樊氏謝治培妻

陳氏楊思勃妻劉氏高宜春妻江氏郭慶謨妻蕭氏郭

念謨妻陳氏羅賢俊母袁氏妻蕭氏郭聖培妻劉氏胡

揚銅妻王氏從子婦某氏及女胡揚熊妻郭氏蕭忠行

妻康氏彭某妻郭氏郭崇輝

女大美細美張惟稱女喚英

劉建高妻陳氏萬安人咸豐間遇賊握刀拒擧乘隙赴

深淵死

府志謹案萬安婦女殉粵賊之難者府志有

深淵死

謝湯媳妻郭氏女祿英壽英蕭芳輝妻廖氏

劉晏區妻龍氏永新人丙辰粵逆寇境大罵被戕夫與

子相繼竝死

府志有賀鍾蘆妻汪氏劉長祿女龍娘